

一字亦復如是皆以無著智慧之門漸漸修入復次善男子云何名爲無盡寶篋陀羅尼門善男子謂一字中說一切法皆無窮盡何等一切法無有窮盡所謂說色無盡故如是說色無常無盡故說色是苦無盡故說色無我無盡故說色寂滅無盡故說色寂靜無盡

故說色如聚沫無盡故說色如幻無盡故說色如燄無盡故說色如水中月無盡故說色如要無盡故說色如響無盡故說色如鏡中像無盡故說色無本性無靜故說色本無無盡故說色無緣會無盡故說色空門無盡故說色無相無盡故說色無願無盡故說色無

多二

十二

行無盡故說色生法無盡故說色無生無盡故說色前際無盡故說色中際無盡故說色後際無盡故說色寂滅無盡故說色親近寂靜無盡故說色無心行處無盡故說色無言語道斷無盡故說色不可思議無盡故說色不可度量無盡故說色無我無盡故說色無

衆生無盡故說色無壽者無盡故說色無養育者無盡故說色無補特伽羅無盡故說色無知無盡故說色無造作無盡故說色如草木瓦礫石壁無盡故說色無求得無盡故說色大種所生無盡故說色無聲無盡故說色無表無盡故說色不可說無盡故說色本味清淨無盡故說色從因緣生無盡故說色無斷無盡故說色無常無盡故說色無造者無盡故說色無受者無盡故說色無業果無盡故說色法界平等無盡故說色住真如無盡故說色住實際無盡故說色無我所無盡故說色無主宰無盡故說色無執受無盡故說色不可思無盡故說色不可稱無盡故說色不可量無盡故說色無有邊無盡故說色即菩提性無盡故說色如空平等無盡故說色即涅槃性無盡故如是廣說界處等法名句文身一切佛法皆悉入於此一字聲智慧之門如以四大同一身篋此亦如是一字聲門

勿一

十三

包攝出生無盡智寶甚深法門是故名爲無盡寶篋我上略說此一門中少分之義如地一塵若廣說者無量無邊阿僧祇劫不可窮盡復次善男子云何名爲無邊漩渡陀羅尼門善男子所言邊者謂斷及常十二因緣無明緣行行緣識識緣名色名色緣六入六入緣

觸觸緣愛受緣愛愛緣取取緣有有緣生生緣老死憂悲苦惱言無邊者即祕密界無斷常等趣入甚深名爲漩渡是故名爲無邊漩渡陀羅尼門又復邊者說名取捨所言漩者說不取捨故又復邊者說有生滅漩者說無

生滅故又復邊者煩惱生死漩者本性清淨故邊者有相無相漩者都無所行故邊者麤細思惟漩者無尋無伺故邊者因及諸見漩者智了因見故邊者謂名及色漩者無有表示故邊者有爲無爲漩者三輪清淨故邊者說內及外漩者識體無住故邊者謂業及果漩者無業果體故邊者善及不善漩者無有

行體故邊者過及無過漩者體無有二故邊者謂業煩惱漩者體性光明故邊者我及無我漩者體性清淨故邊者生死涅槃漩者諸法本性即涅槃故善男子如是略說若廣說者說邊有無量門說漩亦無量門若諸菩薩住此漩渡陀羅尼門隨順無邊一切深法智

無窮盡或字或義亦無窮盡漸次趣入無邊漩渡陀羅尼門以能隨順智光明故隨順覺性本清淨故開智慧眼決癡膜故隨順解脫覺體性故

守護國界主陀羅尼經卷第二

十四末

守護國界主陀羅尼經卷第三 勿三

大唐罽賓國三藏般若等譯

陀羅尼品第二之三

復次善男子何等名爲海印陀羅尼門善男子如大海水印現一切謂四天下所有色相或衆生色相或非衆生色相山澤原阜樹木

叢林藥草百穀日月星辰摩尼雲電村營聚落城邑王都及與諸天男女宮殿一切資具香林池沼渠河泉流綺麗嚴飾如是等類上中下品一切色相於大海中平等印現故說大海爲第一印最勝妙印希奇殊特無等無過菩薩摩訶薩亦復如是住此海印甚深三

昧得與一切衆生身平等印得與衆生語平等印得與衆生心平等印十方世界諸佛語業轉妙法輪菩薩皆從海印所流於口門中平等演說隨有所說皆與諸佛法印無違亦無疑惑能令法界一切衆生皆悉悟解故說此印諸印中上所謂 娜_上字印者以一切法性無生故 羅字印者以一切法無染著故 跛字印者勝義諦門不可得故 者字印者眼及諸行皆清淨故 娜字印者名色性相不可得故 擺_上字印者愛支因緣連續不斷皆不現故 擊_上字印者悟入清淨十力門故 廬字印者力菩提分皆清淨故

拏_上字印者離諸究竟敵及憂惱故 濺_上字印者六通圓滿無罣礙故 嘯_上字印者不二之道言語斷故 多_上字印者悟一切法真實義故 也字印者稱如實理而演說故 瑟_上字印者制伏任持不可得故 迦_上字印者遠離世論無作者故 婆_上字印者悟

四真諦皆平等故 莽_上字印者悟一切法清淨道故 誠_上字印者入甚深法無行取故娑_上字印者顯示勢力不可得故 惹_上字印者超過老死能所生故 濁_上字印者煩惱所行皆遠離故 默_上字印者法界體性不雜亂故 捏_上字印者入深止觀皆滿足

故 佞性印者悟如虛空無盡法故 乞_上字印者入於盡智無生智故 婆_上字印者多也合_上字印者遠離昏沉懈怠障故 枳_上字印者一切衆生智慧體故 賀_上字印者摧惡進善體皆離故 婆_上字印者慣習觀察覺悟體故 者掉_上字印者遠離貪瞋癡

覆性故 娑莽_{上二合}字印者念不散動無忘失故 詞婆_{上二合}字印者可以呼召請命體故 娑嚩_{上二合}字印者勇猛驅逐諸惑體故 伽_上字印者散滅重雲無明翳故 姮字印者積集諸行窮盡體故 波囉_{上二合}字印者隨順最勝寂照體故 頗字印者周徧圓滿果報體故 婆迦_{上二合}字印者悟解一切蘊聚體故 也婆_上字印者能除老死一切病故 室者合字印者現前覺悟未來有情故 咤_上字印者斷生死道得涅槃故 瑟姪_{上二合}字印者悟解無邊無盡體故善男子菩薩以如是等種種法相分別演說諸字印門善男子是名深入海印三昧陀羅尼門

復次善男子云何名爲蓮華莊嚴陀羅尼門善男子菩薩住此陀羅尼門隨彼無量大會之中說妙法時即有廣大妙蓮華座涌現其前種種色相殊妙莊嚴其有見者情無厭足此座纔現身便安處即於空中雨衆寶華種

種華中出種種聲種種聲中說種種法所謂或說甚深無量法或說善巧名句法或說種種譬喻門如是或說修多羅祇夜和伽羅那伽陀搘陀那尼陀那本事本生方廣希法優波提舍說如是等十二分教及種種門皆爲斷除一切衆生諸煩惱故而菩薩心安住大捨寂然正受即能等引如是音聲說法不斷滅衆生苦作諸佛事又於菩薩徧身毛孔出種種光一一光中出生種種妙寶蓮華一一華上有一菩薩徧往十方無量無邊諸世界中而作佛事是爲初入蓮華莊嚴陀羅尼門若廣說者不可窮盡

勿三

三

復次善男子云何名爲能入無著陀羅尼門善男子菩薩住此陀羅尼門於一法門心無所著如是若二若三若十若百若千若百千若俱胝若那由他乃至阿僧祇無量無邊無等不可數不可稱不可思不可量不可說法門皆心平等而無所著或恒河沙法門亦皆

平等心無所著如是闍浮提微塵數法門四天下微塵數法門三千大千世界微塵數法門亦無所著若一佛刹若十佛刹若百若干若恒河沙佛刹微塵數法門乃至一切佛刹微塵數法門亦皆平等心無所著若說一門攝如上說一切佛刹塵數法門皆入一門一

時演說如於一門若二若三乃至無量無邊法門亦皆如是一一門中攝一切門一時演說如是說時心無所著亦無所住利益安樂一切衆生其義深遠稱如實理次第無亂文義具足善男子是名能入無著陀羅尼門復次善男子云何名爲漸漸深入四無礙智

陀羅尼門善男子若諸菩薩安住於此陀羅尼門得微細差別法門無盡智得微細甚深義門無盡智得微細詞門無盡智得微細辯無盡智得是智故東方所有一切衆生同一道場各隨類音善巧方便而問其法南方所有一切衆生同一道場各隨類音善巧方便

而問其義西方所有一切衆生同一道場各隨類音善巧方便而問其詞北方所有一切衆生同一道場各隨類音善巧方便而問其辯如是四方一切衆生一時發問種種法門菩薩一念悉能領受心無錯亂明記無失於一語業出種種音一一音聲說一切法隨諸

勿三

四

衆生種類不同所樂各異皆得領解踊躍歡喜心願滿足善男子是爲菩薩漸漸深入四無礙智陀羅尼門

復次善男子云何名爲諸佛護持莊嚴陀羅尼門善男子菩薩得此陀羅尼故於大會中處大法座於其肉髻最處中心頂骨交際忽現如來身鎔金色相好莊嚴而以右手摩菩薩頂即時菩薩便得色身相好莊嚴具足圓滿與佛平等又得如來語業莊嚴具足圓滿又得如來意業莊嚴具足圓滿得如是等種種佛法具足圓滿既得是已隨此大會一切衆生心界不同欲樂差別所疑有異說種種

法或一日夜或二或三半月一月一年百年或百千年隨其心樂久近多少常說妙法無有窮盡如是說時不飲不食不羸不瘦身心無倦以是如來威德護持難思力故菩薩又得四種大智云何爲四所謂微細了知衆生心行各差別智微細分別諸法無窮盡智善能分別三乘修行諸次第智具足圓滿隨順堪任演說法智善男子若是略說諸佛護持莊嚴陀羅尼門若廣說者無量無邊等虛空界無有窮盡與如來等皆爲利益諸衆生故善男子是爲八種陀羅尼門若有菩薩安住此八陀羅尼門則能總持一切如來及諸菩

勿三

五

薩所說妙法令諸菩薩辯才無盡一切衆生若有聞者愛樂歡喜情無厭足爾時一切法自在王菩薩聞此法已心懷踊躍以偈讚曰善逝說八總持法 決定令得微妙乘演百千億修多羅 於義及文無所著大聲清淨無邊際 百千無量刹皆聞

能成衆生寂靜心 一字演說一切法
一一字門亦復然 遠離諸邊得清淨
剎那正念煩惱除 四天下中諸色相
是名大聲清淨義 多劫無有窮盡時
此住寶篋真言地 平等無著同如來
是名法義漩渦處 大海印現並無遺

說此無思無盡門 具大人相處大衆
華演俱胝妙法門 坐蓮華座兩天華
入一句法無所著 蓬華莊嚴總持用
句句演暢難思門 億刹微塵句亦然
具足法義及詞辯 無著總持皆自在
自他疑網皆斷除 是名海印真言德
菩薩昇於大法座 頂上現佛如金山
即舒右手相端嚴 敦重摩於菩薩頂
獲微妙辯同於佛 此名護念佛莊嚴
得入最勝總持門 便獲難思無盡德
如蓮不染於三界 五塵不動等須彌

此是四辯總持力 此是四辯總持力
菩薩昇於大法座 頂上現佛如金山
即舒右手相端嚴 敦重摩於菩薩頂
獲微妙辯同於佛 此名護念佛莊嚴
得入最勝總持門 便獲難思無盡德
如蓮不染於三界 五塵不動等須彌

得此最勝陀羅尼
能師子吼無所畏
得此最勝陀羅尼
如地生長諸善法
如火焚燒不擇薪
如醫善知於藥法

無等智超三界轉
摧諸外道碎邪山
遠離受生諸業果
如水滌垢淨無餘
如風飄鼓無所住
除衆生病得安寧

得此最勝陀羅尼
如月圓明淨無點
得此最勝陀羅尼
如日光輪平等照
得此最勝陀羅尼
如轉輪王教十善

勿三

六

智演諸法無傾動
流光普照等無私
衆會見者無厭足
破生死闍覺群迷
能除有情諸渴愛
如毗沙門富法財

得此最勝陀羅尼
諸佛共觀如長子
得此最勝陀羅尼
辯才廣博無窮盡
得此最勝陀羅尼
演說深廣修多羅

得此最勝陀羅尼
智慧聰利無妄念
得此最勝陀羅尼
定慧雙流無斷絕
得此最勝陀羅尼
善知衆生語言法

得此最勝陀羅尼
妙辯如鬚無斷絕
無邊方便同虛空
憍慢詭詐皆除斷
慈悲俱起不相離
永斷世間諸過失

得此最勝陀羅尼
念處正斷及神足
得此最勝陀羅尼
隨順諸度到彼岸
得此最勝陀羅尼
自然近佛深寂靜

得此最勝陀羅尼
根力覺道定皆圓
便獲殊妙淨法智
通達四攝無有餘
能知善逝諸境界
建立萬行調衆生

得此最勝陀羅尼
常得五通無退轉
徧遊法界難思刹
如梵天王徧梵宮
供養十方諸佛海
同時稱讚德難思
得此最勝陀羅尼
不久獲佛諸功德
辯才廣博無窮盡
演說深廣修多羅

勿三

七

得此最勝陀羅尼 於一切時無錯亂
獲得無垢蘊界入 處胎不染不無知
得此最勝陀羅尼 見佛如蓮心不著
三業恒隨智慧轉 動寂無礙利衆生
得此最勝陀羅尼 說法常蒙諸佛護
大智能作衆生主 多劫讚歎不能窮

余時世尊稱讚一切法自在王菩薩言善哉
善哉善男子汝能讚說此陀羅尼如諸佛說
等無有異我今隨喜善男子今此會中有六
十一那由他出家菩薩及與無數百千萬億
在家菩薩聞此陀羅尼門皆得無生法忍無
量天龍夜叉乾闥婆阿修羅迦樓羅緊那羅

摩睺羅伽人非人比丘比丘尼優婆塞優婆
夷等皆於阿耨多羅三藐三菩提得不退轉
守護國界主陀羅尼經大悲胎藏出生品第二
余時文殊師利菩薩摩訶薩即從座起偏袒
右肩右膝著地爲佛作禮合掌恭敬而白佛
言世尊如佛所說心及虛空陀羅尼菩提無

二無別皆以大悲爲其根者而此大悲復以
何法而爲根本佛告文殊師利菩薩言善哉
善哉善男子快發斯問爲欲利樂多衆生故
諦聽諦聽善思念之吾當爲汝分別解說善
男子此大悲根復以衆生受苦爲本文殊師
利復白佛言世尊衆生受苦復以何法而爲

其本佛言從煩惱生又問煩惱以何爲本佛
言從於種種顛倒邪見而生又問種種顛倒
邪見以何爲本佛言從虛妄分別生又問虛
妄分別以何爲本佛言此妄分別非有根本
無有色相難知難斷善男子以是義故菩薩
摩訶薩爲諸衆生起大悲心勞謙忘倦譬喻如

甘蔗及以胡麻以物壓之漿油便現菩薩亦
余大悲深重復起十六大悲之心作是念言
嗚呼苦哉一切衆生常爲身見之所繫縛種
種邪見以爲窟宅我當爲彼演說妙法悉令
除斷嗚呼苦哉一切衆生於斷於常執著建
立文殊師利白佛言世尊云何名爲斷見常

見佛言善男子言斷見者布施供養皆無果報善行惡行此世後世皆無有果父母變化皆悉斷無何以故譬如燒木已成寒灰終無生理是名斷見言常見者王常為王貴常為貴貧富男女端正醜陋象馬等類常無改易何以故譬如種子隨其本類各別生芽終無

雜亂善男子此等衆生作如是見皆無果報菩薩為彼起大悲心開示演說緣起之門令其信入因緣果報菩薩復念嗚呼苦哉一切衆生起四顛倒無常計常無樂計樂無我計我無淨計淨我當為彼說甚深法令除顛倒嗚呼苦哉一切衆生於其無我無我所中計我我所我當為說微妙之法令其除斷我我所見嗚呼苦哉一切衆生為諸蓋障之所覆蔽貪箭中心瞋火熾盛身心俱焚昏沉睡眠之所迷醉掉舉惡作纏繞不捨於甚深法常懷疑惑我當為說微妙之法令其隳裂諸蓋之網嗚呼苦哉一切衆生戀著六處眼纔見

色隨色名相而生執著耳聞音聲鼻艶香臭舌嘗滋味身觸細滑意分別法皆隨名相而生執著我當為說深妙之法令不樂著六處空聚嗚呼苦哉一切衆生多起諸慢謂慢過慢及慢過慢我慢增上慢卑慢邪慢云何為慢為於下劣衆生計我勝彼言過慢者於已

勿二

九

等者言我過彼慢過慢者於他勝已計我勝彼言我慢者於色計我乃至於識亦計於我令心高舉言增上慢者增上聖法曾未獲得向他人說我得聖法言卑慢者於彼多分勝己之人言我少劣言邪慢者於己邪見無德之中為己為正翻詔他人以之為邪如是等慢我當為彼說甚深法令其除斷住於平等嗚呼苦哉一切衆生趣向邪道遠離聖道我當為說正道之法令遠邪徑嗚呼苦哉一切衆生為恩愛奴受其驅策妻妾男女以為枷鎖杻械繫縛染著耽味不能捨離令身口意不得自在我當為彼說離貪法令其三業動

止無羈嗚呼苦哉一切衆生更相鬪諍瞋恚
結恨互爲怨讐當爲說法令其除斷嗚呼苦
哉一切衆生遠善知識隨逐惡友不相捨離
如指與甲和合相依造諸惡業無斁休息當
爲說法令捨惡友近善知識嗚呼苦哉一切
衆生貪求名利無有厭足如海吞流得之彌

盛如火益薪遠離無垢實相智慧我當爲說
真實之法令斷名利獲清淨智嗚呼苦哉一
切衆生無明黑闇無我法中橫起我見衆生
壽命補特伽羅當爲說法斷除如是種種邪
見令去翳膜開淨智眼嗚呼苦哉一切衆生
生死牢獄輪迴禁繫五蘊怨賊之所殺害當

爲說法令出三界嗚呼苦哉一切衆生爲魔
縉索之所繫縛五欲纏繞不得出離我當爲
說超魔之法令絕魔縉斷五欲纏嗚呼苦哉
一切衆生閉涅槃門開生死路當爲說法令
閉三惡入涅槃門善男子是爲菩薩摩訶薩
起十六種大悲之心

余時世尊復告文殊師利童子菩薩言善男
子此大悲門即是一切菩薩之母菩薩住是
大悲之中即能建立三十二種不共事業日
夜勤修速得圓滿云何名爲三十二種不共
事業所謂菩薩若見一切愚癡重闇長眠大
夜無智衆生便以智慧先自覺察復以智慧

三

十

覺悟一切愚癡衆生是名菩薩第一不共事
業若見衆生愛樂二乘其心狹劣菩薩便起
廣大之心令其安住大乘法中是名菩薩第二
不共事業若見衆生愛樂非法縱恣三業
無善法欲菩薩自住正法園苑復令衆生住
正法中是名菩薩第三不共事業若見衆生
邪命自活矯詐貪求先以自身住於正命復
令衆生安住正命清淨法中是名菩薩第四
不共事業若見衆生撥無因果及一切法起
大邪見自住正見復令衆生安住無垢正見
法中是名菩薩第五不共事業若見衆生無
知惡念積集煩惱自以智眼安心正念復令

衆生住於正念破無知闇開智慧明是名菩薩第六不共事業若見衆生棄捨正法住不正法先以安住正法之中復令衆生解了正法是名菩薩第七不共事業若見衆生慳惜所覆菩薩自身起無慳心一切皆捨復令衆生勤修捨行是名菩薩第八不共事業若見

衆生毀犯淨戒於表無表不能遵行便以淨戒莊嚴其身復令衆生堅持淨戒是名菩薩第九不共事業若見衆生瞋恨熾然蘊積諸惡以慈忍力而自莊嚴復令衆生安住此法是名菩薩第十不共事業若見衆生身心懈怠遠離精進自以精進甲冑嚴身復令衆生捨懈怠心勤勇不墮是名菩薩第十一不共事業若見衆生散亂妄念菩薩自住三摩囉寂靜觀察亦令衆生捨亂住定是名菩薩第十二不共事業若見衆生惡慧無智便以智慧而自莊嚴復令衆生捨離惡慧具足般若波羅密多是名菩薩第十三不共事業若

見衆生非理作意行於邪道菩薩即以善巧方便如理思惟亦令衆生捨於非理安住正是名菩薩第十四不共事業若見衆生昏亂無知煩惱所害菩薩自住隨念分別種種分別微細分別一切境界遠離煩惱復令衆生斷除煩惱住正法中是名菩薩第十五不

共事業若見衆生身見有見牢獄所繫而以智慧了達自身不爲見縛復令衆生遠離身見不計於有住正智慧是名菩薩第十六不共事業若見衆生諸根縱蕩馳流境界不能制伏而自柔和心無放逸復令衆生安住律儀善守根門三業調順是名菩薩第十七不

共事業若見衆生無慤無愧不知恩報斷滅善根便以慚愧而自莊嚴知恩知報修諸善根復爲衆生說法開示令具慚愧能知恩德圓滿善根是名菩薩十八不共事業若見衆生爲大瀑水波浪所沒隨業漂溺不能勉出菩薩自現越渡瀑流到於彼岸復令衆生斷

除惡業越生死流到涅槃岸是名菩薩第十九不共事業若見衆生剛彊難化而以自身謙卑仁讓承順師長復令衆生安住謙敬是名菩薩第二十不共事業若見衆生心懷嫉妬於修善者多生障礙便以善根自嚴其身復令衆生捨離猜忌障礙之心安住正法是

名菩薩第二十一不共事業若見衆生貧窮困苦復無法財菩薩示有資生無量具七聖財復令衆生無所乏少住聖財中是名菩薩第二十二不共事業若見衆生長嬰病苦四大毒蛇互相違反傷害身心菩薩即以無病功德而自莊嚴復置衆生無諸病惱安樂法

中是名菩薩第二十三不共事業若見衆生愚癡無智遠智光明菩薩便以智慧光明自嚴其身復令衆生安住無癡智慧法中是名菩薩二十四不共事業若見衆生樂著三界穢惡深坑輪迴五道菩薩巧能自出三界復以善巧出三界道運諸衆生是名菩薩第

二十五不共事業若見衆生違背正道行於邪徑自安正法復令衆生住正法中是名菩薩第二十六不共事業若見衆生愛著身命嚴飾資養冀其長存不知此身無常不淨無有慚愧不知恩德菩薩便現厭惡自身棄捨榮好復令衆生觀察無常生厭離想是名菩

薩第二十七不共事業若見衆生遠佛法僧菩薩自身紹三寶種復令衆生紹佛法僧使不斷絕是名菩薩第二十八不共事業若見衆生退失善法菩薩便以善法嚴身復令衆生住善法中是名菩薩第二十九不共事業若見衆生遠離師長不行六念菩薩則以六

念自嚴復令衆生常修六念如實觀智是名菩薩第三十不共事業若見衆生業煩惱網之所縛覆菩薩便現裂業惑網亦令衆生絕生死因安住正法是名菩薩三十一不共事業若見衆生具諸不善遠離善根菩薩便自齋除諸惡具善莊嚴復令衆生具足善根遠

勿三

十一

勿三

十一

離不善是名菩薩第三十二不共事業善男子是爲菩薩三十二種不共事業若諸菩薩安住此業一切善法恒自增長具足圓滿復次善男子菩薩復有無量事業何以故謂衆生無邊衆生煩惱亦復如是無量無邊菩薩隨彼一切衆生煩惱差別亦說無邊解脫

法門善男子假使恒河沙數世界滿中衆生所有之行或聲聞行或緣覺行所有事業比此菩薩最初所發菩提之心所有事業百分不及一千分不及一如是百千分俱胝分百俱胝分千俱胝分筭分歌羅分數分喻分優波尼沙陀分皆不及一何以故二乘自爲斷除煩惱菩薩事業不爲自身普爲除斷一切衆生諸煩惱故是故菩薩所有事業比於二乘最爲殊勝所得功德無量無邊何以故凡夫衆生所修事業皆與一切顛倒相應二乘所作其心狹劣菩薩事業遠離顛倒無量無邊是故菩薩所得功德亦復如是無量無邊以是義故超過一切凡夫二乘

余時文殊師利菩薩聞是法已踊躍歡喜徧身怡暢心得清涼而作是言希有世尊希有世尊善能分別甚深微妙菩薩種種施羅尼門大悲之門及與不共事業之門我聞佛說歡喜頂受如法奉行

守護國界主陀羅尼經卷第三 勿三

勿三

守護國界主陀羅尼經卷第四 勿四

大唐罽賓國三藏般若等譯

入如來大悲不思議品第四

余時文殊師利童子即從座起偏袒右肩右膝著地合掌供敬而白佛言世尊惟願如來應正等覺爲我宣說諸佛如來於諸衆生大

悲隨轉世尊如來大悲爲有幾種以何爲相以何爲因以何爲緣爲何所住善哉世尊惟願爲我具足宣說及說如來一切智智現證事業

余時佛告文殊師利童子言善哉善哉善男子善能詣問如是深義諦聽諦聽善思念之